

Vih Vunzlai Dieg Minzczuz Daehsoengq “Haeuxgwn Cingsaenz” 37 Bi Byajraez Fwn Doek Cungj Mbouj Bienq

——Geiq Boux Cuengqingj Maenhndei Bingzgoj Yen Baksaek Si Veiz Yungzczenz

Banringzgvaq seiq haj diemj cung, Veiz Yungzczenz 56 bi neix aeu cuengqingjih、yinhsiengh、baengz-muq doenghgij sezbei neix haeuj ndaw cimienhbau bae, daj ndaw singz Bingzgoj Yen haidin, bae daengz Daibingz Cin Mbanjgizlinz aen mbanj Yauzczuz、Bouxcuengh comzyouq diegyouq diegbya rinhung haenx, cuengq denyingj hawj vunzmbanj、lauxsae hagseng gizhaenx yawj. Doenghgij sezbei cuengq denyingj neix, Veiz Yungzczenz gaenq youq ndaw byahung baedauq aemq ndaej 37 bi lo.

Daj bi 1996 daengz bi 2017, de itcig dwg naengh cimozdoz bae cuengqingj. “Bae lajmbanj bien’ gyae aeu cagaenj seizgan cij ndaej, roenbya mbouj ndei byaij, gou gaenq yungh vaih 3 aen cimozdoz lo.” Dwendaengz gij hong dwgrendz, Veiz Yungzczenz lujlaj gvaqbae. Bi’ gvaq de cawx ndaej aen cimienhbau cienjgai ndeu le, ok rog ngaih gvaq haujlai, hoeng bae Mbanjgizlinz baedauq lij dwg aeu song diemj cung, cuengq denyingj liux dauqma daengz ranz hix gaenq dwg gyanghaemh 10 diemj lai lo. Dangguh bouxcuengqingj camhfugsah Bingzgoj ndeu, de rap miz gij yinvu youq 25 aen hingzcwngcunh Daibingz Cin caeuq Majdouz Cin Bingzgoj Yen moix bi cuengqingj 300 baez denyingj, bingz-yaenz moix aen hingzcwngcunh moix bi cuengq denyingj mbouj noix gvaq 12 baez, ndawde miz byongh ndeu dwg gij denyingj Vahgun fanhoiz baenz denyingj Vahcuengh.

Veiz Yungzczenz dwg vunz Bingzgoj Yen Daibingz Cin Daibingz Cunh Mbanjgizcangz, vunz Boux-cuengh. Seiz lij iq, de riengz bohmeah daeujdaengz Daibingz Gunghse, youq gizneix de ndaej yawj 《Doihyouzgiz Lohdiet》bouh denyingj daih’ it ciuh-vunz neix lo. Seiz vuenyungz yawj denyingj, hawj de gig coengzbaeq boux cuengq denyingj. “Seizhaenx yawj baez denyingj ndeu, angq lumj gvaq cieng nei.” De naeuz, de daj iq couh laebceiq aeu bienqbaenz boux cuengq denyingj ndeu, daiq vuenyungz bae hawj bouxwnq.

Bi 1981 gauhcungh bizyez le, Veiz Yungzczenz baedaengz camh-denyngj Daibingz hag dinfwnz cuengqingj, de daj ancang sezbei、cuengq denyingj、henhoh gicaiz hag hwnj, dauqdaej ndaej saedyienh aen loqsiengj lo, bienqbaenz boux cuengq denyingj ndeu. Bi daihngeih, de gapbaenz aen doihdenyngj minzbanh, cawx song aen cuengqingjih daeuj,

bae aen denyngj gunghswh liz dieg-youq gyae 100 goengleix haenx co ingjdeh, bae moix aen mbanj Daibingz Cin cuengq denyngj hawj vunzlai.

Roengz mbanj bae cuengq denyngj gawq dwgrendz youh yung-yiemj. “Seizhaenx roenloh mbouj fuengbienh, sezbei caemh loq yaez, gicaiz aeu baengh vunz aemq max doz.” Veiz Yungzczenz dauqngex naeuz. Hoeng, youq ndaw dwgrendz hix miz haujlai yinxdaeuz, moix baez Veiz Yungzczenz aemq gicaiz bae daengz ndaw mbanj, gyoengq beix-nuengx haujlai aen mbanj seiqhenz cungj ganj daeuj lo, daihgaya yiedcingz humx cam de ngoenz neix cuengq denyngj gijmaz, neix dwg seiz de ceiq sim’ angq.

20 sigij 90 nienzdaeh codaeuz, aenvih gak cungj yienzaen menhmenh mbouj miz vunz yawj denyngj lo, hoeng Veiz Yungzczenz mbouj goq gij cienzhong bonjfaenh, cijaeu miz vunzlai siengj yawj, de lij dwg aemq hwnj gicaiz bae lajmbanj cuengqingj. “Gij hozdung guh’ angq lajmbanj noix lai lo, gou mbouj ndaej hawj gyoengq vunzmbanj saetbae gij vuenyungz wnggai miz haenx.” Veiz Yungzczenz naeuz, vihliux fuengbienh bae gak aen mbanj cuengq denyngj, de gag ok cienz cawx cimozdoz lo.

Bi 2008, “aen loqsiengj denyngj” Veiz Yungzczenz dauq hainduj hwnjdin moq lo, de ndaej aen camhfugsah Bingzgoj cingj bae guh boux cuengq denyngj ndeu. Vihliux hawj gyoengq vunzlai lajmbanj aeu-yungh “haeuxgwn cingsaenz” ndaej habhoz, de roengzsim senjaeu gij denyngj ndei, baen baenz gohgyau、vwnzyi、heiqangq doengh loih neix, yawj seizgan dapboiq cuengqingj.

Daj 3 bi gaxgonq hainduj, denyngj senjaeu okdaeuj haenx gij denyngj yungh Vahcuengh fanhoiz lai gvaq haujlai, de couh gaengawq gyoengq vunzlai gak aen mbanj gyaemaij senjaeu yingiben. Bingzgoj Yen dwg dieg minzczuz vunznoix comzyouq, 51 fanh lai vunz ndawde miz 94% dwg vunz minzczuz vunznoix, 89% dwg vunz Bouxcuengh. Seizneix dingzlai bouxcoz cungj ok rog bae dajgoeng lo, gij vunz louz roengzdaeuj haenx dingzlai dwg bouxgeq caeuq lwgnyez, ndigah gij denyngj yungh Vahcuengh fanhoiz dingzlai vunz-mbanj gangj Vahcuengh cungj gyaez.

“Seizneix cuengq denyngj caeuq doenghbaez mbouj doxdoengz, cawz hawj daihgaya youq seiz yawj denyngj roxnyinh vuenyungz, lij aeu hag



▲ Veiz Yungzczenz bae Daibingz Cin Mbanjgizlinz Diegsonhag Lungz-faz cuengq denyngj hawj lwgnyez yawj.

► Veiz Yungzczenz naengh cimozdoz bae cuengq denyngj.



ndaej sawmaeg dem.” Veiz Yungzczenz naeuz, de aeu fatok gij ndei denyngj, vih gyoengqvunz hojndoq cauh’ ok engq lai seizgei hag sawmaeg, yungh goengrendz ceiq hung bae hawj gyoengqde gaenxmaenx、gagrox roengzrendz vut gungz.

Aenvih cingzcik guhhong maenhndei, bi 2011, Aen Hezvei Cuengqingj Hwngfat Denyingj Cungguk fat aen cwnghauh “bouxdenyngj maenhndei cuengqingj gij yingiben soengq laex dangjen 90 hopbi” hawj Veiz Yungzczenz, Veiz Yungzczenz bienqbaenz Bingzgoj bouxvunz dandog aeundaiej gij mingzdaeuz daegbied neix. Veiz Yungzczenz naeuz, de yae

laebdaeb guh ndei gij hong cuengq denyngj.

Baenz bi baenz bi mbouj lau dwgrendz bae guhhong, souhaeuj hix mbouj lai gvaq ok rog bae dajgoeng, vih gijmaz mbouj vuenh guh gij hong wng? “Gou dwg boux vunz doiq denyngj haeujyinx ndeu.” Veiz Yungzczenz riu naeuz, “doenghbaez cawz cuengq denyngj, hix guh di saeh dem, seizneix bi’ ndwen geq lo, gij saeh haenx caemh mbouj guh lo. Seiz cuengq denyngj caeuq gyoengq vunzmbanj doq yawj denyngj doq gangjgangj riuriu, hix roxnyinh gig vuenheij ne.”

(Vangz Ginhhi raiz Dahdingz hoiz)